

DASAR KESELAMATAN DAN KESIHATAN

Pengurusan tertinggi Bank Simpanan Nasional (BSN) mengiktiraf kepentingan keselamatan dan kesihatan di tempat kerja dan komited untuk menjadikan BSN sebagai peneraju Institusi Pembangunan Kewangan yang menyediakan persekitaran pekerjaan dan perkhidmatan pelanggan yang selamat selain membudayakan amalan keselamatan dalam setiap aktiviti yang dijalankan.

Selaras amalan tadbir urus korporat yang baik, pihak BSN telah menetapkan rangka kerja sistem Pengurusan Keselamatan & Kesihatan yang menyeluruh bagi mencegah sebarang bentuk risiko kecederaan dan penyakit yang terhasil daripada aktiviti Perniagaan Bank. Bagi merealisasikan objektif ini, Pihak Pengurusan komited bagi memastikan:

- 1) Setiap aspek perniagaan dan pengurusan Bank mematuhi keperluan Akta Keselamatan Dan Kesihatan Pekerjaan (Pindaan) 2022, peraturan, garis panduan dan apa-apa arahan berkaitan keselamatan dan kesihatan pekerjaan yang diperkenalkan dari semasa ke semasa;
- 2) Menghapuskan sebarang bentuk bahaya berkaitan keselamatan dan kesihatan dengan menyediakan sistem kerja selamat, program pemeriksaan berkala, permit kerja dan prosedur kecemasan melibatkan semua kakitangan, pelanggan, penghuni, pengunjung, vendor dan kontraktor;
- 3) Penilaian terhadap sistem dan Program Pengurusan Keselamatan & Kesihatan Pekerjaan Bank Simpanan Nasional dijalankan dari semasa ke semasa sebagai sebahagian daripada aspek penambahbaikan yang berterusan;
- 4) Perundingan dan penglibatan semua kakitangan melalui pemilihan kesatuan dan wakil pekerja bagi menganggotai jawatankuasa keselamatan & kesihatan pada setiap peringkat;
- 5) Sumber dan kemudahan yang mencukupi bagi memastikan sistem Pengurusan Keselamatan & Kesihatan pada setiap peringkat Bank dapat berjalan dengan baik dan berkesan;
- 6) Kakitangan memperoleh maklumat, arahan, latihan keselamatan, latihan kecemasan dan penyeliaan yang mencukupi bagi memastikan mereka dapat menjalankan tugas dalam keadaan yang selamat bagi mengurangkan risiko berkaitan keselamatan dan kesihatan pekerjaan;
- 7) Penyiasatan dan tindakan sewajarnya akan diambil terhadap setiap aduan dan cadangan berkaitan kemalangan, kejadian berbahaya, keracunan dan penyakit pekerjaan yang berlaku di tempat kerja;
- 8) Sebarang perubahan dan pelaksanaan baharu turut mengambil kira risiko terhadap keselamatan dan kesihatan pekerjaan, selain memastikan langkah kawalan diperkenalkan sebelum sebarang pelaksanaan dijalankan.

Pihak Bank akan mengambil segala langkah yang praktik bagi memastikan dasar ini dapat dikuatkuasakan secara berkesan. Dasar ini akan dikaji dari semasa ke semasa dan BSN berhak melakukan pindaan sekiranya perlu.



JAY KHAIRIL JEREMY ABDULLAH
Ketua Eksekutif

TARIKH: 20. 7. 2022